



Inatsisartunut ilaasortat Debora Kleist aamma Anders Olsen, Inuit Ataqtigiit

MAANI/

§ 36 naapertorlugu apeqqut – Nr. 2009-139, DEKL_ANOL_Kujataani angallanneq / Trafik-Sydgrønland

1. Naalakkersuisut Kommune Kujallermi imaatigut silaannakkullu angallassineq qanoq ataqtigiissumik aaqqiiffiniarpaat?
2. Naalakkersuisut Qaqortup eqqaani kujasinnerusortaanilu illoqarfiit nunaqarfiillu akornanni inunnik angallassineq ullumikkornit pitsaaneruseq qanoq aqqissuussiffiniarpaat?
3. Naalakkersuisut ukiuni tulliuuttuni Kommune Kujallermi angalanarneq kiffartuussinermi isumaqtigiissut (serviceaftale) aqutugalugu aaqqiiffiginissaannut periarfissarsiuussinnaanerlutik? Tassani timmisartorsuup Narsarsualiartarnera aamma eqqarsaatigalugu Naalakkersuisut takorluugaqarnerpat?
4. Atlantiku qulaallugu angallassineq eqqarsaatigalugu Iceland Airip suleqatigineqarnissaa pillugu Naalakkersuisut qanoq eqqarsaatersuuteqarpat?

26. november 2009
Sagsnr. 2009-022727
Dok. Nr. 263262

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl
www.nanoq.gl

Aallarniutigalugu ilisimatitsissutigissavara, sap. ak. 43-mi Kalaallit Nunaata Kujataani angallanneq pillugu isumasioqtigiissitsinermi, Kommune Kujallermit aqqissuunneqartumi peqataasimagama.

Tamatuma saniatigut Assartuussinermit Isumalioqtigiissitaq pilersinneqaqqammersoq, angallanneq pillugu isumasioqtigiissitsinermi ilisimatitsissutigineqartoq innersuussutigissavara. Ataatsimiititaliap sulinera ukiup tulliani juunimi naammassisussaavoq - ataatsimiititaliallu tamaani nunatsinni assartuussinerup siunissami ilusissaanut takorluugai Naalakkersuisuni Inatsisartunilu sukumiisumik oqallinnissamut tunngavigineqassapput.

Naalakkersuisut assartuusseriaaseq siunissamut qulakkeeriffiusoq, aammattaarlu nunap immikkoortuinut, inuussutissarsionermut aningaasaqarnikkullu pisinnaasanut naleqqussagaasussaqq eqqumaffigilluarmassuk erseqqissarusuppara.

Aamma tamatumunnga atatillugu erseqqissaatigissavara, Assartuussinermit Isumalioqtigiissitaq ataatsimiititaliaaqqanik pilersitsisussaammat, taakkunanilu assartuussinerup iluani sulisut sullissisullu pingaarnerit tamarmik ilaatinneqartussaammata, taamaalillunilu taakku isummersuutaat tunniussaallu Isumalioqtigiissitap siunissami assartuusseriaasissamik paasiniaaneranut tapertaasussaammata.

Matuma kinguliani apeqqutisi aalajangersimasut akissuteqarfigissavakka.

1. Naalakkersuisut Kommune Kujallermi imaatigut silaannakkullu angallassineq qanoq ataqatigiissumik aaqqiiffiginiarpaat?

Maannakkorpiaq Kommune Kujallermi iluseq pioreersoq attatiinneqarpoq. Nalunaarutigineqareersutut Air Greenland 2010-mi angalanissanut pilersaarummik suliaqarpoq, taannalu ilaatigut sapaatit akunnerata aallartinnerani angallanneq pillugu isumasioqatigiinnermi saqqummiunneqarpoq.

Imaatigut angallannerup ilusaa pioreersoq eqqarsaatigalugu maannakkorpiaq pissutsinik taakkuninnga allannguinnissaq pilersaarutigineqanngilaq. Tamatumunnga atatillugu Naalakkersuisut Assartuussinermut Isumalioqatigiissitap suliassai Naalakkersuisut innersuussutigisariaqassavaat, taamaattumillu maannakkorpiaq ilusiliussanik allannguinnissamik ingerlatsisoqanngilaq. Sulisut attuumassutillit Assartuussinermut Isumalioqatigiissitap sulineranut suliatigut immersuillutik sulineranut peqataaqullugit qinnuigineqartussaammata, erseqqissallugu pingaaruteqarpoq.

2. Naalakkersuisut Qaqortup eqqaani kujasinnerusortaanilu illoqarfiit nunaqarfiillu akornanni inunnik angallassineq ullumikkornit pitsaaneruseq qanoq aaqqissuussiffiginiarpaat?

Qaqortumi eqqaanilu aammalu kujataani illoqarfiit nunaqarfiillu akornanni ilaasunik angallassinermut tunngatillugu piffissami matumani allannguinnissamik Naalakkersuisut suliaqanngillat. Air Greenlandip Imapik qulaallugu timmisartuussisarneranut tunngatillugu, ingerlatseqatigiiffiup sapaatit akunnerani matumani angallanneq pillugu isumasioqatigiinnermi angalanissanut pilersaarut nutaaq saqqummiupaa. Umiarsuarnik ilaasunik angallassinermut tunngatillugu maannarkkopiaq allannguinnissamik Naalakkersuisut pilersaaruteqanngillat. Tassani aamma Assartuussinermut Isumalioqatigiissitap sulinissaa, tamatumalu kingorna nunatsinni, taamatuttaarlu Kalaallit Nunaata kujataani assartuussinerup ilusissaa pillugu oqaloqatigiinnissaq oqallinnissarlu innersuussutigineqassaaq.

3. Naalakkersuisut ukiuni tulluuttuni Kommune Kujallermi angalanarneq kiffartuussinermi isumaqatigiissut (serviceaftale) aqutigalugu aaqqiiffiginissaannut periarfissarsiuussisinnaanerlutik? Tassani timmisartorsuup Narsarsualiartarnera aamma eqqarsaatigalugu Naalakkersuisut takorluugaqarnerpat?

Aningaasaqarnermut sinaakkusiussat maannakkut atuuttut iluanni Imapik qulaallugu Narsarsuup timmisartuussivigineqartarnera taperseeqatigiiffigissallugu periarfissaqanngilaq. Taamaattumik tamatumu kiffartuunneqarnissamik isumaqatigiissusiorfigineqarnissaa pilersaarutigineqanngilaq.

Air Greenlandip Kalaallit Nunaata Kujataani angalanissanut pilersaarummik nutaamik tamanut ammasumik saqqummiussinissaa naatsorsuutigineqarpoq, tassanilu aasaanerani Narsarsuup Københavnillu akornanni toqqaannartumik angalanissamik piumasaqarneq tunngavigalugu sapaatit akunnerannut marloriarluni pingasoriarlunilu attaveqartarnissaq ilaatinneqassaaq, aasaaneratalu avataani Kangerlussuaq aqqusaarlugu timmisartuussisioqartassalluni.

Angallaviit sungiusimasanut naleqqiullugu allanngortinneqarnerat soorunami aallaqqaammut ippinnarsinnaammata Naalakkersuisut paasillaarsinnaavaat. Paarlattuanik aningaasaqarnikkut imminut napatissinnaalerniarluni ineriartortitsineq, aammalu angallaviit niuernikkut imminnut nammassinnaasut angallavinnut tapiiffigineqartartunut naleqqiullugit paasiniaaneq tapeeriaatsitsinnut, taamaalillunilu aamma angallanneqarnissamut periarfissatsinnut isummertarnernik nalinginnaasunik allanngortitsisussaavoq.

4. Atlantiku qulaallugu angallassineq eqqarsaatigalugu Iceland Airip suleqatigineqarnissaa pillugu Naalakkersuisut qanoq eqqarsaatersuuteqarpat?

Siornatigut oqaatigineqareersutut timmisartuutileqatigiiffik pineqartoq sunaagaluarpalluunniit aningaasaqarnikkut sinaakkutissat iluanni Imarpik qulaallugu timmisartuussinermut taperseeqatigiissitsinissaq ajornarpoq. Nunani allani timmisartuutileqatigiiffiit Kalaallit Nunaannut timmisartuussisalernissaq kissaatigippassuk, tamanna Naalakkersuisut isumalluarnartorujussuurtut naliliiffigisussaavaat. Nunani allani ingerlatseqatigiiffinnik, Kalaallit Nunaannut – Kangerlussuarmut Narsarsuarmulluunniit – angallavimmik ammaaniarlutik kissaateqartunik saaffiginnittoqarsimaneranik Naalakkersuisut ilisimasaqanngillat.

Inussiarnersumik inuulluaqqusilluta

Jens B. Frederiksen